


PRANUAR MË:
ACCEPTED ON: 05/02/2026
PRIMLJENO:
01/322



Funded by
the European Union



KOMUNA E MALISHEVËS NË PARTNERITET ME PROGRAMIN ReLOaD3

SHPALL:

THIRRJEN E PARË PUBLIKE PËR ORGANIZATAT E SHOQËRISË CIVILE PËR DORËZIMIN E PROJEKT PROPOZIMEVE NË PROGRAMIN RAJONAL PËR DEMOKRACINË LOKALE NË BALLKANIN PERËNDIMOR 3 (ReLOaD3)

Programi Rajonal për Demokracinë Lokale në Ballkanin Perëndimor 3 (ReLOaD3¹) bazohet në dy fazat e mëparshme të iniciativës rajonale – ReLOaD1 dhe ReLOaD2, të cilat u zbatuan ndërmjet viteve 2017-2024 në Shqipëri, Bosnjë e Hercegovinë, Kosovë, Mal të Zi, Maqedoni të Veriut dhe Serbi. Gjatë këtij periudhe 8-vjeçare, dy faza të programit ReLOaD u zbatuan në 11 komuna në Kosovë. Komunitatet që morën pjesë në ReLOaD1 dhe ReLOaD2 janë: Dragash, Istog, Kamenicë, Lipjan, Mitrovicë, Podujevë, Rahovec, Skenderaj, Shtërpçë, Viti dhe Zvečan. Programi ka mbështetur gjithashtu 80 Organizata të Shoqërisë Civile (OSHC) për të zbatuar projekte në njërin nga këto komuna partnere. ReLOaD3 do të vazhdojë të forcojë qeverisjen lokale dhe angazhimin e shoqërisë civile në të gjithë Ballkanin Perëndimor. Duke promovuar bashkëpunimin rajonal, projekti synon të rrisë kapacitetet e qeverive lokale dhe OSHC-ve për të krijuar partneritete efektive, për të përmirësuar ofrimin e shërbimeve dhe për t'u harmonizuar me strategjitë dhe prioritetet lokale të zhvillimit.

Programi gjithashtu do të përmirësojë dialogun midis Qeverive Lokale dhe OSHC-ve, do të nxisë bashkëpunimin e tyre duke përhapur dhe konsoliduar praktikat pozitive të financimit të OSHC-ve në të gjitha nivelet institucionale dhe do të investojë në zhvillimin e mëtejshëm të kapaciteteve të OSHC-ve për të siguruar qëndrueshmërinë e tyre. Për më tepër, ReLOaD3 do të fokusohet në mundësimin që një numër i konsiderueshëm i qeverive lokale të adoptojnë dhe mbajnë standarde të larta të transparencës dhe llogaridhënies në operacionet e tyre, duke zgjeruar një model të suksesshëm të financimit transparent të projekteve të OSHC-ve (metodologjia LOD²) nga buxhetet e qeverive lokale, drejt një angazhimi më të madh publik në procesin vendimmarrës dhe përmirësimin e ofrimit të

¹ Referencat për Kosovën do të kuptohen në kontekstin e Rezolutës 1244 të Këshillit të Sigurimit (1999).

² Për Boshkimin Evropian, ky përcaktim është pa paragjykatë pozicionet rreth statusit, si dhe është në përputhje me Rezolutën 1244/1999 të KS të OKB-së dhe opinionin e GjND-së mbi Deklaratën e Pavarësisë së Kosovës.

³ https://www.undp.org/sites/g/files/zskgkc326/files/migration/ba/LOD_Metodologjia_09_02_2015.pdf.

shërbimeve lokale. Kjo qasje gjithashtu do të forcojë dialogun me fokus në rezultate midis OSHC-ve, banorëve dhe autoriteteve lokale, duke kontribuar në një qeverisje lokale më gjithëpërfshirëse, përmirësimin e shërbimeve komunale dhe zhvillimin e qëndrueshëm në përgjithësi.

Buxheti total i programit është 13.4 milion USD, me 1.4 milion USD të dedikuara për komponentin e Kosovës, financuar nga BE-ja (nga Instrumenti për Ndihmën para-Anëtarësimi III – IPA III) dhe bashkëfinancuar nga UNDP dhe Qeveritë Lokale. Në Kosovë, katër komuna të reja dhe një komunë partnere nga faza e parë e ReLOaD janë përfshirë në ReLOaD3 bazuar në një proces konkurrues aplikimi dhe përzgjedhjeje (Glllogoc, Gjakovë, Istog, Malishevë dhe Vushtrri).

Objektivi i përgjithshëm i thirrjes publike për projekt-propozimet e OSHC-ve dhe prioritetet e thirrjes publike

Komuna e Malishevës dhe UNDP-ja shpallin thirrje publike për OSHC-të, me qëllim të forcimit të mëtejshëm të partneriteteve ndërmjet organizatave të shoqërisë civile dhe autoriteteve lokale, si dhe përmirësimit të ofrimit të shërbimeve lokale.

Fushat e përgjithshme tematike që janë në fokus të programit ReLOaD3 janë: qytetet dhe komunitetet e qëndrueshme, trashëgimia kulturore, fuqizimi ekonomik, shërbimet sociale për grupet më të cenueshme, përfshirja sociale, barazia gjinore, mbrojtja e mjedisit, të drejtat e njeriut, etj.

Në këtë thirrje, OSHC-të nga Kosova mund të dorëzojnë projekt propozime, megjithatë prioritet do t'u jepet OSHC-ve që veprojnë në Komunën e Malishevës.

Fushat prioritare në komunën e Malishevës që janë përcaktuar bashkërisht për këtë thirrje publike janë:

Fushat prioritare:

1. Fuqizimi i pjesëmarrjes së të rinjve në vendimmarrje dhe qeverisjen lokale

- 1.1 Përfshirja aktive e të rinjve, grupeve joformale dhe formale në proceset e vendimmarrjes komunale dhe mekanizmat institucionalë, konsultimet e rregullta për programet dhe projektet që ndikojnë në jetën e tyre;
- 1.2 Sigurimi i përfaqësimit të barabartë dhe gjithëpërfshirës të të rinjve nga të gjitha fshatrat duke përfshirë grupet e marginalizuara (minoritetet, të rinjtë me aftësi të kufizuara, vajzat e reja);
- 1.3 Promovimi i transparencës lokale, përmirësimi i qasjes së të rinjve në informata publike dhe zgjerimi i hapësirave për dialog dhe debat publik përmes forumeve rinore, konsultimeve tematike dhe platformave pjesëmarrëse.

2. Avansimi i edukimit joformal, aftësimi profesional dhe punësimi i të rinjve

- 2.1 Zhvillimi i programeve të edukimit joformal dhe trajnimeve profesionale të përshtatura me tregun lokal dhe rajonal të punës, duke informuar të rinjtë për mundësitë e punësimit, karrierës dhe arsimit, dhe përfshirja e të rinjve me aftësi të kufizuara;

- 2.2 Aftësimi dhe zhvillimi i kapaciteteve të të rinjve përmes trajnimeve në aftësi profesionale, digjitale dhe të buta, si dhe në menaxhim projektsh, monitorim institucional dhe pjesëmarrje qytetare aktive;
- 2.3 Nxitja e ndërmarrësisë dhe vetëpunësimit të të rinjve përmes programeve të praktikave dhe punësimeve sezonale në bashkëpunim me bizneset lokale.

3. Promovimi i sigurisë, mirëqenies sociale dhe gjithëpërfshirjes

- 3.1 Sigurimi i qasjes së barabartë për persona me aftësi të kufizuara në institucionet dhe hapësirat publike dhe shërbimet përkatëse;
- 3.2 Organizimi i fushatave ndërgjegjësuere për të rinjtë, për parandalimin e aktiviteteve të jashtëligjshme, promovimin e sjelljeve pozitive dhe mbështetjen e rikthimit në arsim të nxënësve që kanë braktisur shkollën;
- 3.3 Nxitja e aktiviteteve integruese dhe mbështetëse për grupmoshat e ndryshme në jetën aktive dhe publike;
- 3.4 Forcimi i zbatimit dhe monitorimi të legjislacionit në fushat që lidhen me sigurinë, shëndetin dhe të drejtat e të rinjve.

4. Promovimi i vullnetarizimit përmes angazhimit në aktivitete edukative, artistike, kulturore dhe sportive

- 4.1 Promovimi i kulturës, trashëgimisë kulturore dhe natyrore të komunës;
- 4.2 Zhvillimi i turizmit malor dhe aktiviteteve rekreative, duke promovuar ruajtjen dhe shfrytëzimin e qëndrueshëm të zonave natyrore;
- 4.3 Organizimi i festivaleve, ekspozitave, debateve, kuizeve dhe kampeve rinore edukative, kulturore dhe sportive;
- 4.4 Promovimi i mekanizmave për aktivizimin e komunitetit dhe zhvillimin e vullnetarizmit.

Idetë e projektit të ofruara nën prioritetet kryesore janë një mostër e projekteve të mundshme, por jo të kufizuara për idetë e tjera të projektit që lidhen me fushat kryesore prioritare (teksti në 'Bold').

Fonde do t'u ndahen atyre OSHC-ve, projektet e të cilave i kontribuojnë zgjidhjes së një apo më shumë prioritetëve, plotësimit të kriterëve dhe kushteve të tjera të thirrjes publike.

Fondet (grantet) në dispozicion për projekte

Vlera totale e ndarë për këtë thirrje publike është rreth **52,000,00 EUR**³ (nga të cilat 30% është financuar nga komuna e Malishevës).

Vlera e granteve: 5,000 EUR deri në 30,000.00 EUR;

Kohëzgjatja e projekteve të ndara mund të jetë prej 6 deri në 12 muaj, duke filluar nga maji 2026 deri në prill 2027.

Aplikanti mund të dorëzojë maksimumi një projekt propozim në kuadër të kësaj thirrjeje komunale.

³ Kjo shumë mund të jetë subjekt i ndryshimeve në USD/EUR sipas kursit të këmbimit të BKB-së.

Aplikanti mund të dorëzojë maksimumi një projekt propozim në kuadër të kësaj thirrjeje, i cili përmban të gjitha dokumentet e kërkuara. I njëjti aplikant mund të aplikojë për maksimum 2 thirrje komunale në kuadër të ReLOaD3.

Komuna dhe UNDP e rezervojnë të drejtën për të mos i dhënë të gjitha fondet në dispozicion nëse projekt-propozimet e dorëzuara nga OSHC-të nuk i plotësojnë kriteret.

PËRSHTATSHMËRIA/PRANUESHMËRIA:

Pjesëmarrja në këtë thirrje publike është e hapur, në baza të barabarta, për të gjitha OSHC-të e regjistruara zyrtarisht (shoqata/organizata apo fondacion) në përputhje me ligjet dhe rregulloret në fuqi në Kosovë. Të gjitha organizatat e shoqërisë civile të interesuara mund të gjejnë informacion të hollësishëm rreth kushteve për aplikim si dhe për kriteret për financimin e projekteve në Udhëzimin për Aplikantë, pjesë përbërëse e dokumentacionit të thirrjes publike.

DOKUMENTACIONI:

Ku dhe si të merret e dorëzohet dokumentacioni për aplikim

Të gjitha informatat dhe verzioni elektronik i të gjithë pakos së dokumenteve për aplikim mund të gjenden në adresën zyrtare të komunës së Malishevës <https://malisheve.rks-gov.net/> dhe në web faqen e UNDP-së www.ks.undp.org.

- Paketa e aplikimit do të vendoset gjithashtu në folderin e përbashkët të caktuar për OSHC-në aplikuese. Çdo OSHC e interesuar ose përfaqësues i autorizuar mund të kontaktojë ekipin e projektit ReLOaD3 përmes e-mailit: reload.ks@undp.org për të marrë qasje në folderin e përbashkët për organizatën e shoqërisë civile përkatëse.

Email-i duhet të ketë subjektin: **ReLOaD3 – Thirrja Publike për OSHC-të Malishevë – Qasje në Aplikim.**

Gjatë ngarkimit të aplikimit të plotë, OSHC-të aplikuese këshillohen të verifikojnë nëse dokumentacioni/paketa e aplikimit të kërkuar është e plotësuar. Kjo bëhet duke plotësuar **Listën e Kontrollit (Shtojca 7)**, e cila është pjesë përbërëse e aplikimit.

Thirrja për aplikim është e hapur nga 04 shkurt 2026 ndërsa afati i fundit për aplikim është më 17 mars 2026 deri në ora: 16:00.

Informacione shtesë

Pas sesionit informues të mbajtur me datë 04 shkurt 2026 pason trajnimi dy ditor se si shkruhet projekt propozimi (Cikli i Menaxhimit të Projektit/CMP), më 05 dhe 06 shkurt 2026 në Sallën e asamblese komunale, duke filluar nga ora 10:00.

Qëllimi i trajnimit është të forcojë kapacitetet e organizatave për të hartuar dhe zbatuar projekte që kontribuojnë në zhvillimin lokal dhe ofrimin e shërbimeve, si dhe të aplikojnë aftësitë e nevojshme për zhvillimin e ideve të projektit, shkrimin efektiv të projektit, monitorimin dhe vlerësimin e zbatimit të projektit përmes punës praktike.

Gjatë tërë kohëzgjatjes së **thirrjes publike** do të ofrohet mbështetje nga ekspertët/mentorët me datat **10 dhe 11 mars 2026 në sallën e asamblesë komunale**. Ndihma do të jetë e hapur dhe publike, ndërsa orari, duke përfshirë datën dhe orën, do të ndahet nëpërmjet faqes së internetit të komunës së Malishevës. Për qëllime të transparencës, procesverbali i takimeve me mentorin do të publikohet në ueb faqen e Komunës së Malishevës. Kjo do ta bëjë të disponueshme informacionin për OSHC-të që nuk kanë mundur të marrin pjesë në takimet me mentorin.

Përveç kësaj, të gjitha pyetjet që kanë të bëjnë me thirrjen publike mund të dorëzohen përmes postës elektronike në adresën e mëposhtme: registry.ks@undp.org duke iu referuar thirrjes publike. Pyetjet mund të dorëzohen deri më 10 mars 2026, ndërsa përgjigjet do të jepen me shkrim brenda tri (3) ditëve të punës pas datës së pranimit. Për qëllime të transparencës, të gjitha përgjigjet do të publikohen në faqen e internetit të UNDP-së (www.ks.undp.org).

Gjithashtu, dokumenti “Pyetjet më të shpeshta” do të publikohet në faqen e Komunës dhe UNDP-së gjatë thirrjes publike, së bashku me dokumentet e tjera të Thirrjes Publike. Dokumenti synon të ofrojë ndihmë shtesë për aplikantët në mënyrë që të kenë një pasqyrë të pyetjeve të bëra më parë që aplikantët kishin gjatë thirrjeve të mëparshme.